

ALCUERDU PRESUPUESTARIU 2013

Pol presente alcuendu, Compromisu por Carreño y Grupu Municipal Socialista afiten la so voluntá de votar afirmativamente a la propuesta del Gobiernu de Presupuestos 2013, en base a desarrollar los puntos que vienen nesti documentu, presentaos por Compromisu por Carreño y consensuaos ente dambes partes.

PUNTOS D'ALCUERDU PROGRAMÁTICU

1. **Compromisu presupuestariu col empléu.** Partida económica pa polítiques que fomenten l'autoempléu, la contratación de ciudadanos y ciudadanes de Carreño; ayudas a pequeños proyectos empresariales y que complementen económica y xustamente los diferentes planes y aiciones d'otres alministraciones.
2. **Aumentu de les prestaciones sociales** en en rrellación al presupuestu anterior.
3. **Saniamientu** d'agües grises y fecales nes zones qu'afecten a la salida a les playes:
 - a. **Carlos Albo:** Facer les actuaciones necesaries pa conectar a la rede pública de saniamientu a aquellos comunidaes vecinales de la cai Carlos Albo, qu'entá nun tán conectaes
 - b. **Ensenada de Perán:** Entamar les acciones necesaries pa frenar la llegada de residuos d'agües grises y fecales a la Ensenada de Perán, conectando la rede pública de saniamientu a les viviendes de la zona que pudieren acabar vertiendo finalmente a la ensenada.
4. **Apueste poles enerxíes renovables,** actuaciones concretes de fomentu de la biomasa. Licitación de servicios enerxéticos per aciu calderes de biomasa pa sumistru de calefacción y agua caliente sanitario (ACS) n'edificios públicos.
5. **Contratación auditoría** pa controlar, como mínimo, la **calidá del aire** del conceyu per aciu d'un Organismu de Control Autorizáu (OCA).

6. **Actuaciones Urbanísticas:**
- a. **Fabrica d'Ortiz:** facer actuaciones de meyora nel equipamientu cultural col envís d'adaptalu como espaciu públicu capaz de dar agospiu a cualesquier eventu cultural.
 - b. **Acondicionamientu del urbanismu de Carreño** a la movilldá ensin torgues **pa les persones con discapacidá y movilidadá reducida.**
7. **Desarrollu d'un proyeutu de Güertos Públicos Ecolóxicos** pa La Residencia, Perlora, con criterios de cobertura social, que sirva d'espaciu formativu y educativu sobre l'agricultura ecolóxica y la soberanía alimentaria, y defensa del mesmu ante l'alministración del Principáu.
8. Actuaciones y procedimientos necesarios pa desendolcar un **Puntu Llimpiu en Candás y polítiques de reciclaxe y separación.**
9. **Actuaciones pa la ordenación del territoriu forestal de Carreño** en base a pegollos de sostenibilidad ambiental, diversidá y viabilidad del sector.
10. **Presupuestu Participativu.** Elaborar una propuesta pa desarrollar presupuestos participativos nos presupuestos siguientes. La propuesta saldrá de la firma d'un conveniu cola Universidá, técnicos y técnicas diagnosticarán la realidá social del conceyu y la forma de desendolcar estos presupuestos participativos.
11. **Implicación activa del Conceyu de Carreño en cualquier procesu de desahuciu** de primer vivienda, por causes de la crisis financiera y social, qu'afeute a ciudadanos y ciudadanes de Carreño, col fin de dar la cobertura afayadiza pa frenar el procesu.

12. **Puxar por polítiques actives socialmente** y rellacionaes cola concienciación na **igualdá social, de xéneru y afectives**, capaces de llegar a tolos sectores poblacionales.

13. **Entamu de polítiques de promoción social de la Llingua Asturiana de cara a la normalización social del asturianu** en toles estayes de la vida pública. Pa ello garantizaráse'l sofitu necesariu al Serviciu de Normalización Llingüística de la Mancomunidá d'El Cabu Peñes pa echar p'alantre los oxetivos. Mesmamente, van sofitase aquellos proyeutos asociativos de Carreño que fomenten la normalización social de la Llingua propia d'Asturies.

14. **Ampliación y meyora de la ufierta de los Cursos d'Estensión Cultural.**

Y para que se afite, a los efectos oportunos, el voceru de Compromisu por Carreño y la Vicealcaldesa y la vocera del grupu municipal socialista de Carreño suscriben el presente acuerdo. En Candás, a 28 de mayo de 2013:

Por Compromisu por Carreño



Roberto Holgado Iglesias

Por el PSOE de Carreño



Amelia Fernández López